

E Strade Turchine

Parianu scappati
D'un sognu lucichente
A culori d'oriente
'Ssi vascelli andati
Per e strade turchine
Per i chjassi di sciume
E l'andati di lume
A l'ultimi cunfine
A l'orizzonti chjari
Duve more u sole
E nascenu e fole
Figliole di i mari

Suvitendu e stelle
Sulchighjavanu l'onde
A circà d'altre sponde
D'altre loche più belle
Un'isula serena
Tarra senza mimoria
Da scrive una storia
Ch'ùn cunnosce catena
Una muntagna d'oru
Da chi a so bandera
Svintulessi più fiera
Chi u più fieru albore

E mezu à u silenziu
Fassi una piazzarella
Esse cum'una stella
Mezu à u celu immensu
Ma e strade turchine
Un ti portanu indocu
S'è t'ùn adopri focu
Per apre e cunfine
Ci volenu e strage

Da fà nasce a pace
S'è un mondu si face
L'altru si deve tace

E cusi v`a u fiume
Da l'altru di e sarre
Sin'`a lampassi in mare
In e valle di sciume
E i vascelli vanu
Frà 'sse piane di luce
Circhendu un mondu `a struge
Per e strade turchine
A l'ultime cunfine...